

յայլ տեղիս, ուր և ժամանեցին խռովարար ոտք նորին:

Եւ 'ի լինել այսպէս սաստկացաւ խռովութիւն 'ի մէջ երկուց ազգաց. վիճէին եւ հակառակէին ընդ միմեանս, ուր և պատահէին: Տեսեալ Հայոց թէ օր քան զօր բազմանան չարիք 'ի քաղաքին եւ դոկեայ յերեսաց անզգամին եռսուտֆայ, դիմեցին առ դատաւորն հանդերձ առաջնորդովք, և խնդրեցին աքսորել զայրն 'ի քաղաքէ անտի, և բառնալ զչարն 'ի միջոյ. զի վրդովեալ էր զխաղաղութիւն ժողովրդոց: Դատաւորն գրեալ 'ի Կեսարիա՝ եհարց ցնոսա, թէ ո՞րպիսի ոք իցէ եռսուտֆն. քրիստոնեայք և այլազգիք քաղաքին ետուն պատասխանի, թէ է այր չարաբարոյ և խռովարար՝ հռչակաւոր յամենայն վատթարութիւնս, զի ձեռնտուութեամբ եղբօր իւրոյ 'ի Կոստանդինուպօլիս տուեալ հրովարտակ ինչ՝ չրջի բանսարկութեամբ և մատնութեամբ յամենայն տեղիս խռովել զժողովուրդն, ըստ բնական բարուց իւրոց՝ որպէս արար աստ:

Առեալ զայս գիր դատաւորին եւ դոկիայ՝ ազգ արար 'ի Դուռն. հասին անդ և թուղթք գանկատանացն Հայոց 'ի քաղաքաց և 'ի դաւառաց. լուաւ նաեւ զայսոսիկ անցս եւ Յովհաննէս Պատրիարք Բիւզանդիոյ. գրեալ էր նաեւ Գրիգոր Պատրիարք յերուսաղէմէ զնեղութիւնս ազգին. եւ նա բողոք եբարձ 'ի Դուռն, թէ ո՞րպէս Յոյնք խաբէյութեամբ առեալ հրովարտակ՝ զօրութեամբ նորին հայհոյեն և թշնամանեն զազգն, ուր և պատահեսցին. եւ 'ի պատասխանել նոցին, իբր աստտամբք Կայսերական հրամանին, մատնին 'ի ձեռս բռնաւորաց և տուգանին 'ի նոցանէ, մինչեւ տաղտկանալ ամենեցուն. եւ այլ սոցին նման բանք: Գրեցաւ հրովարտակ դարձեալ սակս խափանելոյ զբռնութիւնս Յունաց. 'ի բաց առնուլ զհրովարտակն առաջին և զգիր դատաւորին Կեսարիոյ՝ ուր ուրեք եւ գացի, և առաքել 'ի Դուռն. ջնջել զարձանադրութիւնս նոցին 'ի դիւանաց և 'ի դատարանաց, եւ արձանադրել զհրովարտակն Հայոց: Ի հասանիլ այսր հրովարտակի յարեւելս, դատաւորք ծանուցին զմիտս նորա Հայոց և Յունաց, և պատուէր ետուն երկաքանչիւրոց չյուզել այլ եւս զխռովութիւնն զայն 'ի միջի իւրեանց. եւ սպառնացան եւս, ըստ հրամանի արքային, ածել պատիժ պատուհա-